

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Red Arubiano di Prensa Profesional (RAPP) a haci un debut exitoso cu Caribbean Journalism Seminar 2024

Diabierna atardi a tuma
luga na Impact Hub Aru-
ba e prome edicion di 'Car-
ibbean Journalism Semi-
nar 2024' cual a sirbi di
escenario pa e lansamento
di e prome asociacion di
periodistanan profesional
na Aruba 'Red Arubiano
di Prensa Profesional (RAPP)' y a conta cu e
presencia di un invitado
internacional specialisa
den periodismo investiga-
tivo.

Durante e seminario a conta
cu un sala yen di periodista y
invitadonan special cu kier a
haya sa un poco mas di e tem-
anan presenta durante prome
evento di Red Arubiano di
Prensa Profesional (RAPP)
cu tabatin e participacion di
speakernan special manera:

Luis Anibal Villegas: Ken a
eherce como periodista na
Aruba, na e momentonan aki
ta traha como freelance y ta
studiente di Ley na UVA na
Hulanda, Villegas a presenta
"Lob-generator" un herment
pa habitantenan di e islanan
di Reino Hulandes por solici-
ta informacion publico mas
facil.

Villegas, ken a traha pa Bon
Dia Aruba tambe y ta esun cu
a bin cu e reapertura di e caso
di Poentje castro, a trece di-
lanti cu esaki ta un herment
hopi valioso pa periodistanan
y publico en general cu kier
haya sa mas tocante infor-
macion cu mester ta publico
como por ehemplo: Contract
di Eagle LNG, exploracion di
gas na Aruba y entre otro, e
investigacion cu e mes ta ha-
ciendo pa cu Hotel Secret's
na Baby Beach.

Marlon Kock ta un UX ex-



pert cu a elabora riba "Inteli-
gencia Artificial y con period-
istanan por us'e manera un
'timemachine' cu ta yuda den
e produccion".

Carla Minet (Keynote Speak-
er):
Ta un periodista investigativo
cu a participa den investiga-
cionnan importante manera
Panama, Pandora y Paradise
Papers, e ta fungi como di-
rector ehecutivo di Centro
Investigativo de Periodismo
na Puerto Rico y a presenta
e tema "Retonan y Opor-
tunidadnan pa periodistanan
den Caribe". Akinan Minet
a splica e escenario actual na
diferente pais den Caribe y
e retonan cu periodistanan ta
topa.

Red Arubiano di Prensa Pro-
fesional (RAPP) ta un or-
ganisacion 'non-profit' cu a

ser crea recientemente y cu
ta dedica na stimula e practica
liber di periodismo y stan-
dard di comportacion etico.

E organisacion a establece su
mes oficialmente como un
asociacion siguiendo e guian-
an etico di e Asociacion di Pe-
riodistanan Hulandes (NVJ)
y ta enfoca riba e periodista
profesional como individuo

E mision di RAPP ta pa em-
poderar tur periodista na Aru-
ba a traves di derecho, edu-
cacion, y un compromiso na
reporta eticamente, promovi-
endo un comunidad unda
profesionalnan di media por
colabora, innova, y mantene
e standardnan mas halto di
periodismo.

RAPP tin e vision cu den
futuro prensa lo ta liber, re-
sponsabel y un reflejo di
e diversidad di e bosnan di
Aruba.

E compas etico di RAPP ta
guia pa cinco principio fun-
damental di periodismo etico:

1. Berdad y precision: Semper
mester para pa precision,
duna tur e hecho relevante cu
tin, y sigura cu nan a ser veri-
fica y ta confiabel prome cu
publicacion.
2. Independencia: Periodis-
tanan mester ta e bos inde-
pendiente; no mester actua,
formal of informalmente, na
nomber di interesnan spe-
cial ya sea politico, corpora-
tivo, of cultural. Mester evita
conflictonan di interes y ase-

gura transparencia den afili-
acionnan.

3. Honestidad y Imparciali-
dad: Reporta imparcial ta
construi confiansa y seguri-
dad. Mester busca, selecta, y
edita noticia di manera husto
a la ves protehendo fuent-
enan confidencial.

4. Responsabilidad: Ora cu
ta comete eror mester coregi
esaki y e coreccion mester ta
sincero, no cinico.

5. Lealtad na Publico: Sir-
bi interes publico y pone e
necesidad di e audiencia na
prome lugar.

For di januari, e fundadornan
di RAPP Melissa Stamper
ken ta un periodista freelance
y tabata fungi como hefe di
redaccion na Amigoe algun
año pasa conhuntamente cu
Andreina Morillo ken tin
mas cu 6 año trahando como
redactor na Bon Dia Aruba y
Yorleny Oduber cu ta traha
na Diario pa mas cu 20 año,
a bin cu e idea di crea un co-
lectivo pa asina profesionalisa
prensa na Aruba cu ta hopi
necesario. Nan a reuni fre-
cuentemente pa asina yega na
un vision conhuntito y asina a
nace RAPP cu e obhetivo di
trata e desafionan actual den
e sector di prensa na Aruba.

E fundacion di e organisacion
ta refleha un compromiso pa
promove excelencia period-
istico, preparando e caminda
pa un ambiente profesional
cu mas cohesion y mas inclu-
sivo.

